



Broj: 05/2-50-13-348-4/14
Sarajevo, 21.5.2014. godine

Z A P I S N I K

4. sjednice Odbora za žalbe građana na rad policijskih službenika u policijskim tijelima Bosne i Hercegovine

Sjednica je održana 21.5.2014., s početkom u 11.30 sati.

Prisutni članovi Odbora za žalbe građana: Vjekoslav Vuković, predsjednik, Borislav Radić, drugi zamjenik predsjednika, Semir Šut, Tihomir Marinčić i Aleksandra Martinović.

Odsutni članovi Odbora za žalbe građana: Bakir Dautbašić i Negosava Stjepanović.

Ostali prisutni: Ivan Mišetić iz Granične policije BiH, Ramiz Škulj i Predrag Krsmanović iz Državne agencije za istrage i zaštitu (SIPA), Alma Tajić-Kurto, sekretar Odbora za žalbe građana, i Zoran Brkić iz Sektora za odnose s javnošću u Sekretarijatu Parlamentarne skupštine BiH.

Sjednicu je sazvao i njome predsjedavao Vjekoslav Vuković, predsjednik Odbora za žalbe građana.

Za sjednicu je predložen sljedeći

D N E V N I R E D

1. Usvajanje Zapisnika 2. sjednice Odbora za žalbe građana Parlamentarne skupštine BiH;
2. Razmatranje predstavki dostavljenih od Granične policije BiH:
 - a) predstavka broj: 17-06-34-7-379-1/14, od 11.2.2014., protokolirana u Parlamentarnoj skupštini BiH pod brojem: 05/2-50-17-227-2/14, od 9.4.2014.;
 - b) predstavka broj: 17-06-34-7-461-2/14 od 11.2.2014., protokolirana u Parlamentarnoj skupštini BiH pod brojem: 05/2-50-17-227-3/14, od 9.4.2014.;
 - c) predstavka broj: 17-07-34-7-1103/14 od 24.4.2014., protokolirana u Parlamentarnoj skupštini BiH pod brojem: 05/2-50-17-227-15/14, od 28.4.2014.;
3. Razmatranje Izvještaja Državne agencije za istrage i zaštitu broj: 16-06-34-3-2084-4/14, od 22.4.2014., protokoliranog u Parlamentarnoj skupštini BiH pod brojem: 05/2-50-17-227-14/14, od 24.4.2014.;
4. Tekuća pitanja.

Predloženi dnevni red usvojen je jednoglasno.

Ad. 1. Usvajanje Zapisnika 2. sjednice Odbora za žalbe građana Parlamentarne skupštine BiH

Na Zapisnik 2. sjednice Odbora za žalbe građana Parlamentarne skupštine BiH nije bilo primjedbi, te je usvojen jednoglasno.

Ad. 2. Razmatranje predstavki dostavljenih od Granične policije BiH:

- a) *predstavka broj: 17-06-34-7-379-1/14, od 11.2.2014., protokolirana u Parlamentarnoj skupštini BiH pod brojem: 05/2-50-17-227-2/14, od 9.4.2014.;*
- b) *predstavka broj: 17-06-34-7-461-2/14 od 11.2.2014., protokolirana u Parlamentarnoj skupštini BiH pod brojem: 05/2-50-17-227-3/14, od 9.4.2014.;*
- c) *predstavka broj: 17-07-34-7-1103/14 od 24.4.2014., protokolirana u Parlamentarnoj skupštini BiH pod brojem: 05/2-50-17-227-15/14, od 28.4.2014.*

U okviru ove tačke dnevnog reda Odbor za žalbe građana razmatrao je tri žalbe na rad policijskih službenika u Graničnoj policiji BiH i izvještaje o preeliminarnim provjerama po žalbama Ureda za profesionalne standarde i unutrašnju Kontrolu Granične policije BiH, i to:

- a) *predstavka broj: 17-06-34-7-379-1/14, od 11.2.2014., protokolirana u Parlamentarnoj skupštini BiH pod brojem: 05/2-50-17-227-2/14, od 9.4.2014.¹*

Izvjestilac po ovom predmetu bio je Borislav Radić koji je ukratko izložio činjenice koje su sadržane u spisu, naglasivši da je u ovom predmetu već donesena presuda nadležnog suda, te je predložio da se usvoji Izvještaj Granične policije BiH.

Izvještaj o preeliminarnoj provjeri Granične policije BiH prezentirao je Ivan Mišetić, pri čemu je istakao da Granična policija BiH u cijelosti ostaje pri Izvještaju i činjenicama utvrđenim u njemu.

Na prijedlog Borislava Radića, Odbor za žalbe građana jednoglasno je usvojio Izvještaj o preliminarnoj provjeri.

- b) *predstavka broj: 17-06-34-7-461-2/14 od 11.2.2014., protokolirana u Parlamentarnoj skupštini BiH pod brojem: 05/2-50-17-227-3/14, od 9.4.2014.*

Za izvjestioca po ovom predmetu bila je određena Negosava Stjepanović. Međutim, pošto je ona opravdala izostanak, članovima Odbora predmet je ukratko prezentirao Ivan Mišetić iz

¹ U tačkama dnevnog reda nisu navedena imena podnosilaca žalbe niti lica protiv kojih je žalba podnesena u skladu s odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11-ispisak).

Granične policije BiH, koji je također izložio i činjenice iz Izvještaja o preliminarnoj provjeri Granične policije BiH po ovom predmetu.

U svom izlaganju istakao je da je protiv odgovornih lica iz ovog predmeta pokrenut i disciplinski postupak, pa je Vjekoslav Vuković zatražio da se Odbor izvijesti o njegovom ishodu.

Nakon rasprave, Odbor za žalbe građana Parlamentarne skupštine BiH jednoglasno je usvojio Izvještaj o preliminarnoj provjeri Granične policije BiH.

c) predstavka broj: 17-07-34-7-1103/14 od 24.4.2014., protokolirana u Parlamentarnoj skupštini BiH pod brojem: 05/2-50-17-227-15/14, od 28.4.2014.

Izjavitelj po ovom predmetu bio je Tihomir Marinčić koja je ukratko izložio činjenice koje su sadržane u spisu.

Izvještaj o preliminarnoj provjeri Granične policije BiH prezentirao je Ivan Mišetić, uz napomenu da Granična policija BiH u cijelosti ostaje pri Izvještaju i činjenicama utvrđenim u njemu.

Nakon rasprave, Odbor za žalbe građana Parlamentarne skupštine BiH jednoglasno je usvojio sljedeći

ZAKLJUČAK

Odbor za žalbe građana Parlamentarne skupštine BiH jednoglasno je usvojio Izvještaj o preliminarnoj provjeri Granične policije BiH u predmetu broj: 05/2-50-17-227-15/14, od 28.4.2014.

Odbor za žalbe građana Parlamentarne skupštine BiH utvrdio je da u postupanju policijskih službenika Granične policije BiH u konkretnom predmetu nisu utvrđene nepravilnosti ni povrede relevantnih zakona.

Radnje, preduzete u konkretnom slučaju, sastavni su dio procedura Granične policije BiH i u skladu su sa zakonskim propisima koji su na snazi u Bosni i Hercegovini.

Ovaj zaključak bit će dostavljen podnosiocu žalbe i Graničnoj policiji BiH.

Ovaj zaključak je konačan i na njega nije moguće izjaviti žalbu.

Ad. 3. Razmatranje Izvještaja Državne agencije za istrage i zaštitu broj: 16-06-34-3-2084-4/14, od 22.4.2014., protokoliranog u Parlamentarnoj skupštini BiH pod brojem: 05/2-50-17-227-14/14, od 24.4.2014.

Izjavitelj po ovom predmetu bio je Vjekoslav Vuković koji je ukratko izložio činjenice iz Izvještaja Državne agencije za istrage i zaštitu broj: 16-06-34-3-2084-4/14, od 22.4.2014.

Izvještaj o internom postupku Državne agencije za istragu i zaštitu prezentirali su Predrag Krsmanović i Ramiz Škulj.

Nakon rasprave o ovom predmetu, Odbor za žalbe građana jednoglasno je usvojio Izvještaj o internom postupku Državne agencije za istrage i zaštitu.

Također, cijeneći specifičnost i težinu događaja i činjenica koje su sadržane u navedenom izvještaju, Odbor za žalbe građana usvojio je i sljedeću

P R E P O R U K U

Državna agencija za istrage i zaštitu treba pokrenuti inicijativu za obavljanje redovnog sistematskog pregleda policijskih službenika koji imaju dozvolu za nošenje oružja, a naročito pripadnika Jedinice za specijalnu podršku, s posebnim akcentom na psihološko testiranje, a s ciljem preveniranja neprimjerene i nezakonite upotrebe vatrenog oružja izazvane eventualnim psihološkim traumama.

S obzirom da se policijski službenici, a posebno pripadnici Jedinice za specijalnu podršku, svakodnevno susreću sa izuzetno teškim stresnim situacijama i događajima, rukovodstvo Državne agencije za istrage i zaštitu treba uložiti dodatne napore na izradi programa upravljanja stresom i preduzimanja pravovremenih mjera u pravcu održavanja psihološke stabilnosti navedenih lica.

Obavezuje se Državna agencija za istrage i zaštitu da o preduzetim mjerama izvijesti Odbor za žalbe građana Parlamentarne skupštine BiH.

Istovremeno, Odbor za žalbe građana usaglasio se da se ista preporuka uputi i Direkciji za koordinaciju policijskih tijela BiH, te Graničnoj policiji BiH.

Ad. 4. Tekuća pitanja

U skladu s ranijim dogovorima da članovi Odbora za žalbe građana dostave svoje prijedloge izmjena i dopuna Poslovnika o radu Odbora, predsjednik Odbora pripremio je i članovima podijelio Nacrt ovog akta, uz obavezu da svoje sugestije i primjedbe dostave do naredne sjednice.

Sjednica je završena u 12.30 sati.

Sekretar
Odbora za žalbe građana
Alma Tajić-Kurto

Predsjednik
Odbora za žalbe građana
Vjekoslav Vuković